



সূরা আল-ফাতিহা

মকায় অবতীর্ণঃ আয়াত সাত।

পরম করশায় ও অসীম দয়ালু আল্লাহর নামে শুরু করছি।

- (১) শব্দতীয় প্রশংসা আল্লাহ্ তা' আলার যিনি সকল সৃষ্টি জগতের পালনকর্তা। (২) যিনি নিতান্ত মেহেরবান ও দয়ালু। (৩) যিনি বিচার দিনের যালিক। (৪) আমরা একমাত্র তোমারই ইবাদত করি এবং শুধুমাত্র তোমারই সাহায্য প্রার্থনা করি। (৫) আমাদেরকে সরল পথ দেখাও, (৬) সে সমস্ত লোকের পথ যাদেরকে তুমি নেয়ামত দান করেছ। (৭) তাদের পথ নয়, যাদের প্রতি তোমার গজুর নাখিল হয়েছে এবং যারা পথবচ্ছ হয়েছে।

সূরা আল-ফাতিহা

ক্ষমতাত ও বৈশিষ্ট্য : সূরা আল-ফাতিহা কোরআনের একটি বিশেষ গুরুত্বপূর্ণ সূরা। প্রথমতঃ এ সূরা দ্বারাই পবিত্র কোরআন আরঞ্জ হয়েছে এবং এ সূরা দিয়েই সর্বশ্রেষ্ঠ এবাদত নামায আরঞ্জ হয়। অবতরণের দিনেও পূর্ণসং সূরারপে এটিই প্রথম নাখিল হয়। সূরা 'ইকরা', 'মুহায়াম্বিল' ও সূরা 'মুদ্দাস-সিরে'র ক'টি আয়াত অবশ্য সূরা আল-ফাতিহার পূর্বে অবতীর্ণ হয়েছে। কিন্তু পূর্ণসং সূরারপে এ সূরার অবতরণই সর্বপ্রথম। যে সকল সাহারী (রাঃ) সূরা আল-ফাতিহা সর্বপ্রথম নাখিল হয়েছে বলে উল্লেখ করেছেন, তাঁদের সে বজ্জব্যের অর্থ বোধয় এই যে, পরিপূর্ণ সূরারপে এর আগে আর কোন সূরা নাখিল হয়নি। এ জনাই এ সূরার নাম 'ফাতিহাতুল-কিতাব' বা কোরআনের উপক্রমণিকা রাখা হয়েছে।

'সূরা-ফাতিহা' এদিক দিয়ে সমগ্র কোরআনের সার-সংক্ষেপ। এ সূরায় সমগ্র কোরআনের সারমৰ্ম সংক্ষিপ্তাকারে বলে দেয়া হয়েছে। কোরআনের অবশিষ্ট সূরাগুলো প্রকারান্তরে সূরা ফাতিহারই বিস্তৃত ব্যাখ্যা। কারণ, সমগ্র কোরআন প্রধানতঃ ইমান এবং নেক আমলের আলোচনাতেই কেন্দ্রীভূত। আর এ দু'টি মূলনীতিই এ সূরায় সংক্ষিপ্তাকারে বর্ণনা করা হয়েছে। তফসীরে রাখ্বল মা'আনী ও রাখ্বল বয়নে এর বিস্তারিত আলোচনা রয়েছে। তাই এ সূরাকে সহীহ হাদীসে 'উস্মুল কোরআন', 'উস্মুল কিতাব', 'কোরানে আয়াত' বলেও অভিহিত করা হয়েছে। - (কুরতুবী)

অথবা এ জন্য যে, যে ব্যক্তি কোরআন তেলাওয়াত বা অধ্যয়ন করবে তার জন্য এ মর্মে বিশেষ নির্দেশ দেয়া হয়েছে যে, সে যেন প্রথমে পূর্বোষিত যাবতীয় ধ্যান-ধারণা অন্তর থেকে দূরীভূত করে একমাত্র সত্য ও সঠিক পথের সঞ্চানের উদ্দেশে এ কিতাব তেলাওয়াত আরঞ্জ করে এবং আল্লাহর নিকট এ প্রার্থনাও করে যে, তিনি যেন তাকে সিরাতুল মুস্তাকীমের হোদায়েত দান করেন।

হ্যরত রসূল করীম (সাঃ) এরশাদ করেছেন যে— যার হাতে আমার জীবন-মরণ, আমি তাঁর শপথ করে বলছি, সূরা আল-ফাতিহার দৃষ্টান্ত তওরাত, ইনজীল, যাবুর প্রভৃতি অন্য কোন আসমানী কিতাবে তো নেই—ই, এমনকি পবিত্র কোরআনেও এর দ্বিতীয় নেই। ইমাম তিরিয়ী আবু হোয়ায়রা (রাঃ) থেকে বর্ণনা করেছেন যে, অ্যুর সাল্লাল্লাহু আলাইহে ওয়া সাল্লাম আরো বলেছেন যে— সূরায়ে ফাতিহা প্রত্যেক রোগের ঔষধবিশেষ।

হাদীস শরীফে সূরা আল-ফাতিহাকে সূরায়ে শেফাও বলা হয়েছে। — (কুরতুবী)

বোধারী শরীফে হ্যরত আনাস (রাঃ) থেকে বর্ণিত আছে যে, রসূল (সাঃ) এরশাদ করেছেন, — সমগ্র কোরআনে সবচাইতে গুরুত্বপূর্ণ সূরা হচ্ছে **الْحَمْدُ لِلَّهِ رَبِّ الْعَالَمِينَ** — (কুরতুবী)

بِسْمِ اللّٰهِ الرَّحْمٰنِ الرَّحِيْمِ

পরম করশাময় দয়ালু আল্লাহর নামে শুরু করছি

بِسْمِ اللّٰهِ কোরআনের একটি আয়াত :

بِسْمِ اللّٰهِ الرَّحْمٰنِ الرَّحِيْمِ

একটি আয়াত বা অংশ। সূরা তওবা ব্যতীত প্রত্যেক সূরার প্রথমে
সকল সূরারই অংশ, এতে ইমামগণ ভিন্ন ভিন্ন মত পোষণ করেছেন।
ইমাম আবু হানীফা (রাঃ) বলেছেন **بِسْمِ اللّٰهِ** সূরা নাম্বল ব্যতীত অন্য
কোন সূরার অংশ নয়। তবে এটি এমন একটি স্বচ্ছস্পৃশ্র আয়াত যা
প্রত্যেক সূরার প্রথমে লেখা এবং দু'টি সূরার মধ্যে পার্থক্য নির্দেশ করার
জন্য অবরীপ্ত হয়েছে।

কোরআন তেলাওয়াত ও প্রত্যেক কাজ বিসমিল্লাহ্ সহ আরম্ভ
করার আদেশ : জাহেলিয়াত মুগে লোকদের অভ্যাস ছিল, তারা তাদের
প্রত্যেক কাজ উপস্য দেব-দেবীদের নামে শুরু করতো। এ পথা রাহিত
করার জন্য হয়েরত জিব্রাইল পবিত্র কোরআনের সর্বপ্রথম যে আয়াত নিয়ে
এসেছিলেন, তাতে আল্লাহর নামে কোরআন তেলাওয়াত আরম্ভ করার
আদেশ দেয়া হয়েছে। যথা **بِسْمِ اللّٰهِ الرَّحْمٰنِ الرَّحِيْمِ** অর্থাৎ, পাঠ করুন আপনার
পালনকর্তার নামে।

কোন কোন বর্ণনায় দেখা যায়, স্বয়ং রসূলে করীম (সা:) -ও প্রথমে
প্রত্যেক কাজ **بِاسْمِ اللّٰهِ** বলে আরম্ভ করতেন এবং কোন কিছু
লেখাতে হলেও এ কথা প্রথমে লেখাতেন। **كِتَابُ** **بِسْمِ اللّٰهِ الرَّحْمٰنِ الرَّحِيْمِ**
الْكِتَابُ অবরীপ্ত হওয়ার পর সর্বকালের জন্য বিসমিল্লাহির রাহমানির
রাহীম বলে সব কাজ শুরু করার নিয়ম প্রবর্তিত হয়েছে।

— (কুরতুবী, রহল মা'আনী)

কোরআন শরীফের স্থানে স্থানে উপদেশ রয়েছে যে, প্রত্যেক কাজ
বিসমিল্লাহ্ বলে আরম্ভ কর। রসূলুল্লাহ্ (সা:) বলেছেন, “যে কাজ
বিসমিল্লাহ্ ব্যতীত আরম্ভ করা হয়, তাতে কোন বরকত থাকে না।”

এক হাদীসে এরশাদ হয়েছে, ঘরের দরজা বন্ধ করতে বিসমিল্লাহ্
বলবে, বাতি নেভাতেও বিসমিল্লাহ্ বলবে, পাত্র আবৃত করতেও
বিসমিল্লাহ্ বলবে। কোন কিছু খেতে, পানি পান করতে, ওয়ু করতে,
সওয়ারীতে আরোহণ করতে এবং তা থেকে অবতরণকালেও বিসমিল্লাহ্
বলার নির্দেশ কোরআন-হাদীসে বার বার উল্লেখ করা হয়েছে। —
(কুরতুবী)

বিসমিল্লাহ্ তফসীর : বিসমিল্লাহ্ বাক্যটি তিনটি শব্দ দ্বারা গঠিত।
প্রথমতঃ ‘বা’ বর্ণ, দ্বিতীয়ত : ‘ইসম’ ও তৃতীয়ত : ‘আল্লাহ’। আরবী
ভাষায় ‘বা’ বণ্টি অনেক অর্থে ব্যবহৃত হয়ে থাকে। তন্মধ্যে তিনটি অর্থ
এ ক্ষেত্রে প্রযোজ্য হতে পারে এবং এ তিনটির যে কোন একটি অর্থ এ

ক্ষেত্রে প্রযোজ্য হতে পারে। এক — সংযোজন। অর্থাৎ, এক বস্তুকে
অপর বস্তুর সাথে মিলানো বা সংযোগ ঘটানো অর্থে। দুই — এন্তেয়ানাত
— অর্থাৎ, কোন বস্তুর সাহায্য নেয়া। তিনি — কোন বস্তু থেকে বরকত
হাসিল করা।

‘ইসম’ শব্দের ব্যাখ্যা অত্যন্ত ব্যাপক। মোটামুটিভাবে এতটুকু জেনে
রাখা যথেষ্ট যে, ‘ইসম’ নামকে বলা হয়। ‘আল্লাহ’ শব্দ সৃষ্টিকর্তার
নামসমূহের মধ্যে সবচেয়ে মহসূর ও তাঁর যাবতীয় শুণাবলীর সম্মিলিত
রূপ। কোন কোন আলেম একে ইসমে ‘আ’ যম বলেও অভিহিত করেছেন।

এ নামটি আল্লাহ্ ব্যতীত অন্য কারো জন্য প্রযোজ্য নয়। এজন্যই এ
শব্দটির দ্বিচন বা বহুচন হয় না। কেননা, আল্লাহ্ এক, তাঁর কোন শরীক
নেই। মোটকথা, আল্লাহ্ এমন এক সন্তার নাম, যে সন্তা পালনকর্তার
সমস্ত শুণাবলীর এক অসাধারণ প্রকাশবাচক। তিনি অদ্বিতীয় ও
নজীরবিহীন। এজন্য বিসমিল্লাহ্ শব্দের মধ্যে ‘বা’ — এর তিনটি অর্থের
সামঞ্জস্য হচ্ছে আল্লাহ্ নামের সাথে, তাঁর নামের সাহায্যে এবং তাঁর
নামের বরকতে।

أَعُوْذُ بِاللّٰهِ مِن الشَّيْطَنِ الرَّجِيمِ

পাঠ করা।

আল-কোরআনে এরশাদ হয়েছে — যখন কোরআন পাঠ কর, তখন
শয়তানের প্রতারণা থেকে আল্লাহ্ তা'আলার নিকট আশ্রয় চাও।
দ্বিতীয়তঃ কোরআন পাঠের প্রাকালে আ'উয়বিল্লাহ্ পাঠ করা
ইজমায়ে-উস্মত দ্বারা সন্নত বলে স্বীকৃত হয়েছে। এ পাঠ নামায়ের মধ্যেই
হোক বা নামায়ের বাইরেই হোক। কোরআন তেলাওয়াত ব্যতীত অন্যান্য
কাজে শুধু বিসমিল্লাহ্ পাঠ করা সন্নত, আ'উয়বিল্লাহ্ নয়। তেলাওয়াত
কালে উভয়টি পাঠ করা সন্নত। তবে একটি সূরা শেষ করে শুধুমাত্র সূরা
তওবা ব্যতীত অপর সূরা আরম্ভ করার পূর্বে যখন কোরআন তেলাওয়াত
আরম্ভ করা হয় তখন আ'উয়বিল্লাহ্ ও বিসমিল্লাহ্ উভয়টিই পাঠ করতে
হয়। তেলাওয়াত করার সময় মধ্যে সূরা-বারাআত আসলে তখন
বিসমিল্লাহ্ পড়া নিষেধ। কিন্তু প্রথম তেলাওয়াতই যদি সূরা বারাআত দ্বারা
আরম্ভ হয়, তবে আ'উয়বিল্লাহ্ ও বিসমিল্লাহ্ উভয়টিই পাঠ করতে হবে।
— (আলমগীরী)

‘বিসমিল্লাহির রাহমানির রাহীম’, কোরআনের সূরা নাম্বল-এর একটি
আয়াতের অংশ এবং দু'টি সূরার মাঝখানে একটি পূর্ণাঙ্গ আয়াত। তাই
অন্যান্য আয়াতের ন্যায় এ আয়াতটির সম্মান করাও ওয়াজিব। অযু ছাড়া
এটি স্পর্শ করা জায়েয় নয়। অপবিত্র অবস্থায় যথা হায়েয়-নেফাসের
সময়, (পবিত্র হওয়ার পূর্বে) তেলাওয়াতরূপে পাঠ করাও না জায়েয়।
তবে কোন কাজ কর্ম আরম্ভ করার পূর্বে (যথা—পানাহার) দোয়ারূপে পাঠ
করা সব সময়ই জায়েয়।

আনুষঙ্গিক জ্ঞাতব্য বিষয়

সূরাতুল-ফাতিহার বিষয়বস্তু : সূরাতুল-ফাতিহার আয়াত সংখ্যা
সাত। প্রথম তিনটি আয়াতে আল্লাহ্ প্রশংসনা এবং শেষের তিনটি আয়াতে
মানুষের পক্ষ থেকে আল্লাহ্ নিকট প্রার্থনা ও দরখাস্তের বিষয়বস্তুর
সংমিশ্রণ। মধ্যের একটি আয়াত প্রশংসনা ও দোয়া মিশ্রিত।

মুসলিম শরীফে হয়েছে আবু হোরায়রা (রাঃ) বর্ণনা করেছেন যে, রসূল (সাঃ) এরশাদ করেছেন, আল্লাহ্ তা'আলা এরশাদ করেছেন — নামায (অর্থাৎ, সুরাতুল ফাতিহা) আমার এবং আমার বান্দাদের মধ্যে দু'ভাগে বিভক্ত। অর্থেক আমার জন্য আর অর্থেক আমার বান্দাদের জন্য। আমার বান্দাগণ যা চায়, তা তাদেরকে দেয়া হবে। অতঃপর রসূল (সাঃ) বলেছেন যে, যখন বান্দাগণ বলে **الْحَمْدُ لِلّٰهِ الرَّحْمٰنِ الرَّحِيْمِ** তখন আল্লাহ্ বলেন যে, আমার বান্দাগণ আমার প্রশংসা করছে। আর যখন বলে

الرَّحْمٰنُ الرَّحِيْمُ তখন তিনি বলেন যে, তারা আমার মহৃষি ও শ্রেষ্ঠ বর্ণনা করছে। আর যখন বলে **مَلِكُ الْعِزَّةِ** তখন তিনি বলেন, আমার বান্দাগণ আমার শুণগান করছে। আর যখন বলে **رَبِّكَ تَعَبِّدُ رَبِّيْكَ تَسْعَيْنِ** তখন তিনি বলেন, এ আয়াতটি আমার এবং আমার বান্দাগণের মধ্যে সংযুক্ত। কেননা, এর এক অংশে আমার প্রশংসা এবং অপর অংশে বান্দাগণের দোয়া ও আরায় রয়েছে। এ সঙ্গে এ কথাও বলা হয়েছে যে, বান্দাগণ যা চাইবে তারা তা পাবে।

অতঃপর বান্দাগণ যখন বলে **إِهْدِيْنَا الصِّرَاطَ الْمُسْقِيْمَ** (শেষ পর্যন্ত) তখন আল্লাহ্ বলেন, এসবই আমার বান্দাগণের জন্য এবং তারা যা চাইবে তা পাবে। — (মায়াহারী)

الْحَمْدُ لِلّٰهِ (সকল প্রশংসা আল্লাহ্ তা'আলার)। অর্থাৎ, দুনিয়াতে যে কোন স্থানে যে কোন বস্তুর প্রশংসা করা হয়, বাস্তবে তা আল্লাহরই প্রশংসা। কেননা, এ বিশু চরাচরে অসংখ্য মনোরম দৃশ্যাবলী, অসংখ্য মনোমুগ্ধকর সৃষ্টিরাজি আর সীমাহীন উপকারী বস্তুসমূহ সর্বদাই মানব মনকে আল্লাহ্ তা'আলার প্রতি আকৃষ্ট করতে থাকে এবং তাঁর প্রশংসায় উদ্বৃক্ষ করতে থাকে। একটু গভীরভাবে চিন্তা করলেই বুঝা যায় যে, সকল বস্তুর অস্তরালেই এক অদ্যু সন্তার নিপুণ হাত সদা সক্রিয়।

যখন পৃথিবীর কোথাও কোন বস্তুর প্রশংসা করা হয়, তখন প্রকৃতপক্ষে তা উক্ত বস্তুর সৃষ্টিকর্তার প্রতিই বর্তায়। যেমন, কোন চিত্র, কোন ছবি বা নির্মিত বস্তুর প্রশংসা করা হলে প্রকৃতপক্ষে সে প্রশংসা প্রস্তুতকারকেরই করা হয়।

এ ব্যাক্যটি প্রকৃতপক্ষে মানুষের সামনে বাস্তবতার একটি নতুন দ্বার উন্মুক্ত করে দেখিয়ে দিয়েছে যে, আমাদের সামনে যা কিছু রয়েছে এ সব কিছুই একটি একক সন্তার সাথে জড়িত এবং সকল প্রশংসাই সে অনন্ত অসীম শক্তির। এসব দেখে কারো অস্তরে যদি প্রশংসাবানীর উদ্বেক্ষ হয় এবং মনে করে যে, তা অন্য কারো প্রাপ্য, তবে এ ধারণা জ্ঞান-বুদ্ধির সংকীর্তারই পরিচায়ক। সুতরাং নিঃসন্দেহে একথাই বলতে হয় যে,

الْحَمْدُ لِلّٰهِ যদিও প্রশংসার জন্য ব্যবহৃত হয়েছে, কিন্তু এর মধ্যে অতি সুস্ক্রতার সাথে বর্ণনা করা হয়েছে যে, সকল সৃষ্টিবস্তুর উপাসনাই নিষিদ্ধ করা হলো। তাছাড়া এ দ্বারা অত্যন্ত আকর্ষণীয় পক্ষিতে এক-ত্বাদের শিক্ষা দেয়া হয়েছে। আল-কোরানানের এ ক্ষুদ্র ব্যাক্যটিতে এক-দিকে আল্লাহ্ তা'আলার প্রশংসা করা হয়েছে এবং অপরদিকে প্রাক্তিক সৌন্দর্য নিমগ্ন মানব মনকে এক অতিবাস্তবের দিকে আকৃষ্ট

করতেও যাবতীয় সৃষ্টি বস্তুর পূজা-অর্চনাকে চিরতরে নিষিদ্ধ করা হয়েছে। এতদসঙ্গে অতি হেকমতের সাথে বা অকাট্যভাবে ঈমানের সর্বপ্রথম স্তুতি ‘তওহীদ’ বা একত্ববাদের পরিপূর্ণ নকশাও তুলে ধরা হয়েছে। একটু চিন্তা করলে বুঝা যায় যে, ব্যাক্যটিতে যে দাবী করা হয়েছে, সে দাবীর স্বপক্ষে দলীলও দেয়া হয়েছে।

رَبِّ الْعَالَمِينَ এ ক্ষুদ্র ব্যাক্যটির পরেই আল্লাহ্ তা'আলার প্রথম গুণবাচক নাম ‘রাবুল আলামীন’—এর উল্লেখ করা হয়েছে। আরবী ভাষায় **رَبِّ** শব্দের আভিধানিক অর্থ হচ্ছে পালনকর্তা। লালন-পালন বলতে বুঝায়, কোন বস্তুকে তার সমস্ত মঙ্গলায়নের প্রতি লক্ষ্য রেখে ধীরে ধীরে বা পর্যাঙ্কমে সামনে এগিয়ে নিয়ে উন্নতির চরম শিখরে পৌছে দেয়া।

এ শব্দটি একমাত্র আল্লাহর জন্যই নির্দিষ্ট। সম্বন্ধপূর্ণ রাপে অন্যের জন্যেও ব্যবহার করা চলে, সাধারণভাবে নয়। কেননা, প্রত্যেকটি প্রাণী বা সৃষ্টিই প্রতিপালিত হওয়ার মুখাপেক্ষী, তাই সে অন্যের প্রকৃত প্রতিপালনের দায়িত্ব নিতে পারে না।

سَلَّمٌ শব্দের বহুবচন। এতে পৃথিবীর যাবতীয় সৃষ্টিই অস্তর্ভুক্ত। যথা— আকাশ-বাতাস, চন্দ্ৰ-সূর্য, তারকা-নক্ষত্রাবজি, বিজ্ঞীন, বৃষ্টি, ফেরেশতাকুল, জ্বিন, জমীন এবং এতে যা কিছু সৃষ্টি হয়েছে। জীবজন্তু, মানুষ, উত্তি, জড়পদার্থ সব কিছুই এর অস্তর্ভুক্ত। অতএব **رَبِّ الْعَالَمِينَ**—এর অর্থ হচ্ছে— আল্লাহ্ তা'আলা সমস্ত সৃষ্টির পালনকর্তা। তাছাড়া একথাও চিন্তার উদ্বেক্ষ নয় যে, আমরা যে দুনিয়াতে বসবাস করছি এর মধ্যেও কোটি কোটি সৃষ্টিবস্তু রয়েছে। এ সৃষ্টিগুলোর মধ্যে যা কিছু আমাদের দৃষ্টিগোচর হয় এবং যা আমরা দেখি না সে সবগুলোই এক একটা আলম বা জগত।

তাছাড়া আরো কোটি কোটি সৃষ্টি রয়েছে, যা সৌরজগতের বাইরে, যা আমরা অবলোকন করতে পারি না। ইমাম রায়ি তফসীরে—কবীরে লিখেছেন যে, এ সৌরজগতের বাইরে আরো সীমাহীন জগত রয়েছে। যুক্তি দ্বারা প্রমাণিত এবং একথা সর্বজনবিদিত যে, সকল বস্তুই আল্লাহর ক্ষমতার অধীন। সুতরাং তাঁর জন্য সৌরজগতের অনুরূপ আরো সীমাহীন কতকগুলো জগত সৃষ্টি করে রাখা অসম্ভব মোটেই নয়।

تَعَالَى আলোচনা দ্বারা পরিষ্কারভাবে বুঝা যাচ্ছে যে, **رَبِّ الْعَالَمِينَ**— এর নিখুঁত প্রতিপালন নীতিই পূর্বের ব্যাক্য **الْحَمْدُ لِلّٰهِ**—এর দলীল বা প্রমাণ। সমগ্র সৃষ্টির লালন-পালনের দায়িত্ব একই পবিত্র সন্তার; তাই তারিফ-প্রশংসারও প্রকৃত প্রাপক তিনিই; অন্য কেউ নয়। এজন্য প্রথম আয়ত **الْحَمْدُ لِلّٰهِ الرَّحْمٰنِ الرَّحِيْمِ**—এ তারীফ-প্রশংসার সাথে ঈমানের প্রথম স্তুতি আল্লাহ্ তা'আলার একত্ব বা তওহীদের কথা অতি সৃক্ষতভাবে এসে গেছে।

দ্বিতীয় আয়াতে তাঁর গুণ, দয়ার প্রসঙ্গ শব্দদ্বয়ের দ্বারা বর্ণনা করেছেন। উভয় শব্দই ‘গুণের আধিক্যবোধক বিশেষণ’ যাতে আল্লাহর দয়ার অসাধারণত ও পূর্ণতর কথা বুঝায়। এ শ্লেষ এ গুণের উল্লেখ সম্ভবতঃ এজন্য যে, আল্লাহ্ তা'আলা যে সমগ্র সৃষ্টিজগতের লালন-পালন ভরণ-পোষণ ও রক্ষণাবেক্ষণের দায়িত্ব স্বয়ং গ্রহণ করেছেন এতে তাঁর নিজস্ব কোন প্রয়োজন নেই বা অন্যের দ্বারা প্রভাবান্বিত হয়েও নয়; বরং তাঁর রহমত বা দয়ার তাগিদেই করেছেন। যদি

সমগ্র সৃষ্টির অস্তিত্বও না থাকে, তাতেও তাঁর কোন লাভ-ক্ষতি নেই, আর যদি সমগ্র সৃষ্টি অবাধ্যও হয়ে যায় তবে তাতেও তাঁর কোন ক্ষতি-বৃদ্ধি নেই।

مَلِكُ الْعَالَمِ — এর অর্থ কোন বস্তুর উপর এমন অধিকার থাকা, যাকে ব্যবহার, রদবদল, পরিবর্তন, পরিবর্ধন, সব কিছু করার সকল অধিকার থাকবে। ১-এর অর্থ প্রতিদান দেয়া। **مَلِكُ الْعَالَمِ** — এর শাব্দিক অর্থ প্রতিদান-দিবসের মালিক বা অধিপতি। অর্থাৎ, প্রতিদান-দিবসের অধিকার ও আধিপত্য কোন বস্তুর উপরে হবে, তার কোন বর্ণনা দেয়া হয়নি। তফসীরে কাশশাফে বলা হয়েছে যে, এতে ‘আম’ বা অর্থের ব্যাপকতার প্রতি ইশারা করা হয়েছে। অর্থাৎ প্রতিদান-দিবসে সকল সৃষ্টিরাজি ও সকল বিষয়ই আল্লাহ্ তা’আলার অধিকারে থাকবে।

প্রতিদান-দিবসের স্বরূপ ও তার প্রয়োজনীয়তা : প্রথমতঃ প্রতিদান দিবস কাকে বলে এবং এর স্বরূপ কি ? দ্বিতীয়তঃ সমগ্র সৃষ্টির উপর প্রতিদান-দিবসে যেমনিভাবে আল্লাহ্ তা’আলার একক অধিকার থাকবে, অনুরূপভাবে আজও সকল কিছুর উপর তাঁরই তো একক অধিকার রয়েছে; সূতরাং প্রতিদান-দিবসের বৈশিষ্ট্য কোথায় ?

প্রথম প্রশ্নের উত্তর হচ্ছে এই যে, প্রতিদান-দিবস সে দিনকেই বলা হয়, যেদিন আল্লাহ্ তা’আলা ভাল-মন্দ সকল কাজ-কর্মের প্রতিদান দেবেন বলে ঘোষণা করেছেন। রোয়ে-জায়া শব্দ দ্বারা বোঝান হয়েছে যে, দুনিয়া ভাল-মন্দ কাজ-কর্মের প্রকৃত ফলাফল পাওয়ার স্থান নয়; বরং এটি হল কর্মসূল; কর্তব্য ও দায়িত্ব পালনের জ্ঞানগা। যথার্থ প্রতিদান বা পুরুষ্কার গ্রহণেরও স্থান এটা নয়। এতে একথাও বুঝা যাচ্ছে যে, পৃথিবীতে কারও অর্থ-সম্পদের আধিক্য ও সুখ-শাস্তির ব্যাপকতা দেখে বলা যাবে না যে, এ লোক আল্লাহর দরবারে যকুবুল হয়েছেন বা তিনি আল্লাহর প্রিয়পাত্র। অপর পক্ষে কাকেও বিপদাপদে পতিত দেখেও বলা যাবে না যে, তিনি আল্লাহর অভিশপ্ত। যেমনি করে কর্মসূলে বা কারখানার কোন কোন লোককে তাঁর দায়িত্ব ও কর্তব্য পালনে বাস্ত দেখে কেন বুদ্ধিমান ব্যক্তি তাঁকে বিপদগ্রস্ত বলে ভাবে না; বরং সে এ ব্যক্তিকে জীবনের সাফল্য বলেই গণ্য করে এবং যদি কেহ অনুগ্রহ করে তাঁকে এ ব্যক্তিটা থেকে রেহাই দিতে চায়, তবে তাঁকে সে সবচেয়ে বড় ক্ষতি বলে মনে করে। সে তাঁর এ ত্রিশ দিনের পরিশৰ্মের অস্তরালে এমন এক আরাম দেখতে পায়, যা তাঁর বেতনস্বরূপ সে লাভ করে।

এ জন্যই নবীগণ এ দুনিয়ার জীবনে সর্বপেক্ষা বেশী বিপদাপদে পতিত হয়েছেন এবং তারপর ওলী-আওলিয়াগণ সবচেয়ে অধিক বিপদে পতিত হন। কিন্তু দেখা গেছে, বিপদের তীব্রতা যত কঠিনই হোক না কেন, দৃঢ়পদে তাঁর তা সহ্য করেছেন। এমনকি আনন্দিত চিত্তেই তাঁর তা মেনে নিয়েছেন। মোটকথা, দুনিয়ার আরাম আয়েশকে সত্যবাদিতা ও সঠিকতা এবং বিপদাপদকে খারাপ কাজের নির্দেশ বলা যায় না।

অবশ্য কখনো কোন কোন কর্মের সামান্য ফলাফল দুনিয়াতেও প্রকাশ করা হয় বটে, তবে তা সেকাজের পূর্ণ বদলা হতে পারে না। এগুলো সাময়িকভাবে সতর্ক করার জন্য একটু নির্দেশ মাত্র।

مَلِكُ الْعَالَمِ বাক্যটিতে লক্ষ্যীয় বিষয় হচ্ছে এই যে, বুদ্ধিমান ব্যক্তিমাত্রই একথা জানেন যে, সেই একক সত্ত্বাই প্রকৃত মালিক, যিনি সমগ্র জগতকে সৃষ্টি করেছেন এবং এর লালন-পালন ও বর্ধনের দায়িত্ব গ্রহণ করেছেন এবং যাঁর মালিকানা পুণরূপে প্রত্যেক বস্তুর মধ্যেই

সর্বাবস্থায় পরিব্যাপ্ত। অর্থাৎ— প্রকাশ্য, গোপনে, জীবিতাবস্থায় ও মৃতাবস্থায় এবং যার মালিকানার আরম্ভ নেই, শেষও নেই। এ মালিকানার সাথে মানুষের মালিকানা তুলনাযোগ্য নয়। কেননা, মানুষের মালিকানা আরম্ভ ও শেষের চৌহান্দীতে সীমাবদ্ধ। এক সময় তা ছিল না; কিন্তু দিন পরেই তা থাকবে না। অপরদিকে মানুষের মালিকানা ইত্তান্তরযোগ্য। বস্তুর বাহ্যিক দিকের উপরই বর্তায়; গোপনীয় দিকের ওপর নয়। জীবিতের ওপর; মৃতের ওপর নয়। এজন্যই প্রকৃত প্রস্তাবে আল্লাহ্ তা’আলার মালিকানা কেবলমাত্র প্রতিদান দিবসেই নয়, বরং পৃথিবীতেও সমস্ত সৃষ্টিগতের প্রকৃত মালিক অল্লাহ্ তাআলা। তবে এ আয়তে আল্লাহ্ তা’আলার মালিকানা বিশেষভাবে প্রতিদান দিবসের এ কথা বলার তাংপর্য কি ? আল-কোরআনের অন্য আয়তের প্রতি লক্ষ করলেই বোঝা যায় যে, যদিও দুনিয়াতেও প্রকৃত মালিক অল্লাহ্ তাআলারই, কিন্তু তিনি দয়াপরবশ হয়ে আংশিক বা ক্ষণস্থায়ী মালিকানা মানবজাতিকেও দান করেছেন এবং পার্থিব জীবনের আইনে এ মালিকানার প্রতি সম্মানও দেখানো হয়েছে। বিশুচ্রাচরে মানুষ ধন-সম্পদ, জ্ঞানগা-জ্ঞানি, বাড়ি-ঘর এবং আসবাব-পত্রের ক্ষণস্থায়ী মালিক হয়েও এতে একেবারে ডুরে রয়েছে। আল্লাহ্ তা’আলা **مَلِكُ الْعَالَمِ** একথা ঘোষণা করে এ অহংকারী ও নির্বোধ মানব-সমাজকে সতর্ক করে দিয়েছেন যে, তোমাদের এ মালিকানা, আধিপত্য ও সম্পর্ক মাত্র কয়েক দিনের এবং ক্ষণিকের। এমন দিন অতি সত্ত্বরই আসছে, যে দিন কেউই জাহৈরী মালিকও থাকবে না, কেউ কারো দাস বা কেউ কারো সেবা পাবার উপযোগীও থাকবে না। সমস্ত বস্তুর মালিকানা এক ও একক সত্ত্বার হয়ে যাবে।

সুরা আল-ফাতিহার প্রথমে বর্ণনা করা হয়েছে যে, এ সুরার প্রথম তিনটি আয়তে আয়তে আল্লাহর প্রশংসনা ও তাঁরীকের বর্ণনা করা হয়েছে এবং এর তফসীরে একথা সুস্পষ্ট হয়েছে যে, তা’রীফ ও প্রশংসনের সাথে সাথে ঈমানের মৌলিক নীতি ও আল্লাহর একত্ববাদের বর্ণনা ও সৃজ্ঞভাবে দেয়া হয়েছে।

তৃতীয় আয়তের তফসীরে আপনি অবগত হলেন যে, এর দু’টি শব্দে তাঁরীক ও প্রশংসনের সাথে সাথে ইসলামের বিপ্লবাত্মক মহোন্মত আকীদা যথা কিয়ামত ও পরকালের বর্ণনা প্রামাণসহ উপস্থিত করা হয়েছে।

এখন চতুর্থ আয়তের বর্ণনা : **إِنَّا لَنَعْبُدُ رَبِّ الْعَزِيزِ** এ আয়তের এক অংশে তা’রীফ ও প্রশংসনা এবং অপর অংশে দোয়া ও প্রৰ্থনা। **عَبَادَتْ** — **عَبَادَتْ** শব্দ থেকে গঠিত। এর অর্থ হচ্ছে : কারো প্রতি অশেষ শুক্রা ও ভালবাসার দরম্ব তাঁর নিকট নিজের আন্তরিক কাকুতি-মিনতি প্রকাশ করা। **اسْتَعْنَتْ** — **اسْتَعْنَتْ** হতে গঠিত। এর অর্থ হচ্ছে কারো সাহায্য প্রার্থনা করা। আয়তের অর্থ হচ্ছে, ‘আমরা তোমারই ইবাদত করি এবং একমাত্র তোমার নিকটই সাহায্য প্রার্থনা করি।’ মানবজীবন তিনটি অবস্থায় অতিবাহিত হয়। অতীত, বর্তমান ও ভবিষ্যত। পূর্বের তিনটি আয়তের মধ্যে **الْحَمْدُ لِلَّهِ رَبِّ الْعَالَمِينَ** এবং **الرَّحْمَةُ الرَّحِيمُ**। এ দু’টি আয়তে মানুষকে জানিয়ে দেয়া হয়েছে যে, অতীতে সে কেবল মাত্র আল্লাহ্ তা’আলার মুখাপেক্ষী ছিল, বর্তমানেও সে একমাত্র তাঁরই মুখাপেক্ষী। অন্তিভুলীন এক অবস্থা থেকে

তিনি তাকে অস্তিত্ব দান করেছেন।

তাকে সকল সৃষ্টির মধ্যে সর্বাপেক্ষা সুন্দর ও মনোমুগ্ধকর আকার-আকৃতি এবং বিবেকে ও বুদ্ধি দান করেছেন। বর্তমানে তার লালন-পালন ও ভরণ-পোষণের নিয়মিত সুব্যবস্থাও তিনিই করেছেন।
অতঃপর **مُلِكُ الْوَالَّدِ** —এর মধ্যে জানিয়ে দেয়া হয়েছে যে, ভবিষ্যতেও সে আল্লাহ্ তা'লারই মুখাপেক্ষী। প্রতিদান দিবসে আল্লাহ্ ব্যতীত অন্য কারো সাহায্য পাওয়া যাবে না।

প্রথম তিনিটি আয়াতের দ্বারা যখন একথা প্রমাণিত হলো যে, মানুষ তার জীবনের তিনিটি কালেই একান্তভাবে আল্লাহ্ মুখাপেক্ষী, তাই সাধারণ মুক্তির চাহিদাও এই যে, ইবাদতও তাঁরই করতে হবে। কেননা, ইবাদত যেহেতু অশেষ শুক্ষা ও ভালোবাসার সাথে নিজের অক্ষমতা কান্তি-মিনতি নিবেদন করার নাম, সুতরাং তা পাওয়ার যোগ্যতাসম্পন্ন অন্য কোন সন্তা নেই। ফলকথা এই যে, একজন বুদ্ধিমান ও বিবেকবান ব্যক্তি মনের গভীরতা খেকেই এ স্বতন্ত্র স্বীকৃতি উচ্চারণ করছে যে, আমরা তোমাকে ব্যতীত অন্য কারো ইবাদত করি না। এ মৌলিক চাহিদাই **عَبْدُ اللَّهِ** তে বর্ণনা করা হয়েছে।

যখন স্থির হলো যে, অভাব পূরণকারী একক সন্তা আল্লাহ্ তা'লালা, সুতরাং নিজের যাবতীয় কাজে সাহায্যও তাঁর নিকটই প্রার্থনা করবে। এ মৌলিক চাহিদারই বর্ণনা **وَإِنَّكُمْ تَسْتَعْفِفُونَ** এ করা হয়েছে। মোটকথা, এ চতুর্থ আয়াতে একদিকে আল্লাহ্ তা'রীফ ও প্রশংসনের সাথে একথারও স্বীকৃতি রয়েছে যে, ইবাদত ও শুক্ষা পাওয়ার একমাত্র তিনিই যোগ্য। অপরদিকে তাঁর নিকট সাহায্য ও সহায়তার প্রার্থনা করা এবং তৃতীয়তঃ আল্লাহ্ ব্যতীত অন্য কারো ইবাদত না করার শিক্ষাও দেয়া হয়েছে। এতদসঙ্গে এও বলে দেয়া হয়েছে যে, কোন বাস্তবাই আল্লাহ্ ব্যতীত অন্য কাকেও অভাব পূরণকারী মনে করবে না। অপর কারো নিকট প্রার্থনার হাত প্রসারিত করা যাবে না। অবশ্য কোন নবী বা কোন গুলীর বরাত দিয়ে প্রার্থনা করা এ আয়াতের মহবিরোধী নয়।

এ আয়াতে এ বিষয়ও চিন্তা করা কর্তব্য যে, ‘আমরা তোমারই নিকট সাহায্য চাই।’ কিন্তু কোন কাজের সাহায্য চাই, তার কোন উল্লেখ নেই। জমহুর মুকাসিসুরীনের অভিমত এই যে, নিদিষ্ট কোন ব্যাপারে সাহায্যের কথা উল্লেখ না করে আঁ’ম বা সাধারণ সাহায্যের প্রতি ইশারা করা হয়েছে যে, আমি আমার ইবাদত এবং প্রত্যেক ধর্মীয় ও পার্থিব কাজে এবং অস্তরে পোষিত প্রতিটি আশা-আকাঙ্ক্ষায় কেবল তোমারই সাহায্য প্রার্থনা করি।

শুধু নামায রোয়ারই নাম ইবাদত নয়। ইমাম গায়্যালী স্থীয় গ্রন্থ আরবাইন-এ দশ প্রকার ইবাদতের কথা লিখেছেন। যথা – নামায, যাকাত, রোষা, কোরআন তিলাওয়াত, সর্বাবস্থায আল্লাহ্ সুরণ, হালাল উপার্জনের চেষ্টা করা, প্রতিবেশী এবং সাথীদের প্রাপ্ত পরিশেষ করা, মানুষকে সৎকাজের আদেশ ও খারাপ কাজ হতে বিরত থাকার উপদেশ দেয়া, রসূলের সন্নত পালন করা।

একই কারণে ইবাদতে আল্লাহ্ সাথে কাকেও অঙ্গীদার করা চলে না। এর অর্থ হচ্ছে, কারো প্রতি ভালবাসা, আল্লাহ্ প্রতি ভালবাসার

সমতুল্য হবে না। কারো প্রতি ভয়, কারো প্রতি আশা-আকাঙ্ক্ষা পোষণ আল্লাহ্ ভয় ও তাঁর প্রতি পোষিত আশা-আকাঙ্ক্ষার সমতুল্য হবে না। আবার কারো ওপর একান্ত ভরসা করা, কারো আনুগত্য ও খেদমত করা, কারো কাজকে আল্লাহ্ ইবাদতের সমতুল্য আবশ্যিকীয় মনে করা, আল্লাহ্ ব্যতীত অন্য কারো নামে মানত করা, আল্লাহ্ ব্যতীত অন্য কারো সামনে স্থীয় কান্তি-মিনতি প্রকাশ করা এবং যে কাজে অস্তরের আবেগ-আকৃতি প্রকাশ পায়, এমন কাজ আল্লাহ্ ব্যতীত অন্য কারো জন্য করা— যথা কুকু বা সেজদা করা ইত্যাদি কোন অবস্থাতেই বৈধ হবে না।

শেষ তিনিটি আয়াতে মানুষের দেয়া ও আবেদনের বিষয়বস্তু এবং এক বিশেষ প্রার্থনাপাদ্ধতি শিক্ষা দেয়া হয়েছে। তা হচ্ছে—

إِهْدِنَا الصِّرَاطَ الْسُّتُّৰِمَ صِرَاطَ الَّذِينَ أَنْعَمْتَ عَلَيْهِمْ

غَيْرِ الْمَغْضُوبِ عَلَيْهِمْ وَلَا الضَّالِّينَ

অর্থাৎ, ‘আমাদিগকে সরল পথ দেখাও; সে সমস্ত মানুষের পথ, যারা তোমার অনুগ্রহ লাভ করেছে। যে পথে তোমার অভিশপ্ত বাস্তারা চলেছে সে পথ নয় এবং এই সমস্ত লোকের রাস্তাও নয় যারা পথব্রহ্ম হয়েছে।’

এ তিনিটি আয়াতে কয়েকটি বিষয় বিশেষভাবে লক্ষ্যজীয়। যেমন, সরল পথের হেদায়েতের জন্য যে আবেদন এ আয়াতে শিক্ষা দেয়া হয়েছে, এর আবেদনকারী যেমনিভাবে সাধারণ মানুষ, সাধারণ মুমিনগণ, তেমনি আওলিয়া, গাউল-কৃতুব এবং নবী-রসূলগণও বটে। নিঃসন্দেহে যাঁরা হেদায়েতে প্রাপ্ত, বরং অন্যের হেদায়েতের উৎসব্রহ্ম, তাঁদের পক্ষে পুনরায় সে হেদায়েতের জন্যই বারংবার প্রার্থনা করার উদ্দেশ্য কি? এ প্রশ্নের উত্তর হেদায়েতে শব্দের তাৎপর্য পরিপূর্ণরূপে অনুধাবন করার ওপর নির্ভরশীল।

ইমাম রাগেব ইস্কাহানী ‘মুফরাদাতুল-কোরাআনে’ হেদায়েত শব্দের অতি সুন্দর ব্যাখ্যা প্রদান করেছেন। এর সারমর্ম হচ্ছে— ‘কাউকে গন্তব্যস্থানের দিকে অনুগ্রহের সাথে পথ প্রদর্শন করা’। তাই হেদায়েত করা প্রকৃত প্রস্তাবে একমাত্র আল্লাহ্ তা'লারই কাজ এবং এর বিভিন্ন স্তর রয়েছে। হেদায়েতের একটি স্তর হচ্ছে সাধারণ ও ব্যাপক। এতে সমগ্র সৃষ্টি অন্তর্ভুক্ত। জড়পদার্থ, উষ্ঠিদ এবং প্রাণী জগৎ পর্যন্ত এর আওতাধীন। প্রস্তুত প্রশ্ন উত্তীতে পারে যে, প্রাণীর জড়পদার্থ বা ইতর প্রাণী ও উষ্ঠিদ জগতের সঙ্গে হেদায়েতের সম্পর্ক কোথায়?

কোরআনের শিক্ষায় স্পষ্টভাবেই এ তথ্য ব্যক্ত হয়েছে যে, সৃষ্টির প্রতিটি স্তর, এমনকি প্রতিটি অশু-পরমাণু পর্যন্ত নিজ নিজ অবস্থান্বয়ী প্রাণ ও অনুভূতির অধিকারী। স্ব-স্ব পরিমণ্ডলে প্রতিটি বস্তুর বুদ্ধি-বিবেচনা রয়েছে। অবশ্য এ বুদ্ধি ও অনুভূতির তারতম্য রয়েছে। কোনটাতে তা স্পষ্ট এবং কোনটাতে নিতান্তই অনুভূত্য। যে সমস্ত বস্তুতে তা অতি অল্পমাত্রায় বিদ্যমান সেগুলোকে প্রাণীর বা অনুভূতিহীন বলা যায়। বুদ্ধি ও অনুভূতির ক্ষেত্রে এ তারতম্যের জন্যই সমগ্র সৃষ্টিজগতের মধ্যে একমাত্র মানুষ ও জিন জাতিকেই শরীয়তের হকুম-আহকামের আওতাভুক্ত করা হয়েছে। কারণ, সৃষ্টির এ দু'টি স্তরের মধ্যেই বুদ্ধি ও অনুভূতি পূর্ণ মাত্রায় দেয়া হয়েছে। কিন্তু, তাই বলে একথা বলা যাবে না যে, একমাত্র মানুষ ও জিন জাতি ছাড়া সৃষ্টির অন্য কোন কিছুর মধ্যে বুদ্ধি

ও অনুভূতির অস্তিত্ব নেই। কেননা, আল্লাহ্ তা'আলা এরশাদ করেছেন :

وَإِنْ تُرَدْنَ إِلَيْنَا هُمْ مُهْمَدُونَ لَكُمْ لَا تَقْعُدُنَّ تَبْيَهُمْ

অর্থাৎ— এমন কোন বস্তু নেই যা আল্লাহ্ প্রশংসনের তসবীহ পাঠ করে না, কিন্তু তোমরা তাদের তসবীহ বুঝতে পার না। (সুরা বনী-ইসরাইল)

সুরা নূরে এরশাদ হয়েছে।

اللَّهُ أَكْرَمُ الرَّحْمَةِ مَنِ فِي الْأَمْوَالِ وَالْأَرْضِ وَالْكَثِيرُ صَفَقَتْ كُلُّ قَدْرٍ
عَلَمَ صَلَاتَهُ وَسَجَدَهُ وَاللَّهُ عَلَيْهِ يَأْتِيَنَّ

অর্থাৎ,— ‘তোমরা কি জান না যে, আসমান-জমিনে যা কিছু রয়েছে, সকলেই আল্লাহ্ পরিত্রাতা বর্ণনা ও শুণগান করে? বিশেষতঃ পার্ষদ্বীপুল যারা দু'পাখ বিস্তার করে শুন্যে উড়ে বেড়ায়, তাদের সকলেই স্ব-স্ব দেয়া তসবীহ সম্পর্কে জ্ঞাত এবং আল্লাহ্ তা'আলা ও ওদের তসবীহ সম্পর্কে খবর রাখেন।’

একথা সর্বজনবিদিত যে, আল্লাহ্ তা'আলার পরিচয়ের ওপরই তাঁর তারীফ ও প্রশংসন নির্ভরশীল। আর এ কথাও স্বতঃসিদ্ধ যে, আল্লাহ্ পরিচয় লাভ করাই সর্বপেক্ষা বড় জ্ঞান। এটা বুদ্ধি-বিবেক ও অনুভূতি ব্যৌত্তি সম্ভব নয়। কোরআনের অন্যান্য আয়াত দ্বারাও প্রমাণিত হয়েছে যে, সৃষ্টিগতের প্রতিটি বস্তুরই ধ্রুণ ও জীবন আছে এবং বুদ্ধি ও অনুভূতি রয়েছে। তবে কোন কোনটির মধ্যে এর পরিমাণ এত অল্প যে, সাধারণ দৃষ্টিতে তা অনুভব করা যায় না। তাই পরিভাষাগতভাবে ওগুলোকে আগামীন ও বুদ্ধিমুক্ত জড়পদার্থ বলা হয়। আর এ জন্যেই ওদেরকে শর'য়ী আদেশের আওতাভুক্ত করা হয়নি। গোটা বস্তুজগত সম্পর্কিত এ মীমাংসা আল-কোরআনে সে যুগেই দেয়া হয়েছিল, যে যুগে পৃথিবীর কোথায়ও আধুনিক কালের কোন দর্শনিকণ্ড ছিল না, দর্শনবিদ্যার কোন পুস্তকও রচিত হয়নি। পরবর্তী যুগের দার্শনিকগণ এ তথ্যের যথার্থতা স্বীকার করেছেন এবং প্রাচীন দার্শনিকদের মধ্যেও এ মত পোষণ করার মত অনেক লোক ছিল। মোটকথা, আল্লাহ্ হেদায়েতের এ প্রথম স্তরে সমস্ত সৃষ্টিগত যথা— জড় পদার্থ, উষ্টিদ, প্রাণীজগৎ, মানবমূলী ও জিন প্রভৃতি সকলেই অঙ্গভূক্ত। এ সাধারণ হেদায়েতের উল্লেখই আল-কোরআনের

يَعْلَمُ كُلُّ شَيْءٍ خَلْقَهُ تَعْلَمُ

অর্থাৎ, যিনি সমস্ত সৃষ্টিগতের জন্য বিশেষ অভ্যাস এবং বিশেষ বিশেষ দায়িত্ব নির্ধারণ করেছেন এবং সে মেয়াজ ও দায়িত্বের উপযোগী হেদায়েত দান করেছেন। এ ব্যাপারে হেদায়েতের পরিকল্পনা অনুযায়ী সৃষ্টিগতের প্রতিটি বস্তুই অতি নিপুণভাবে নিজ নিজ দায়িত্ব ও কর্তব্য পালন করে চলেছে। যে বস্তুকে যে কাজের জন্য সৃষ্টি করা হয়েছে, সে সেই কাজ অত্যন্ত শুরুত ও নৈপুণ্যের সাথে পালন করছে। যথা— মুখ হতে নির্গত শব্দ নাক বা চক্ষু কেউই শ্রবণ করতে পারে না, অর্থাৎ এ দু'টি মুখের নিকটতম অঙ্গ। পক্ষান্তরে এ দায়িত্ব আল্লাহ্ তা'আলা যেহেতু কানকে অর্পণ করেছেন, তাই একমাত্র কানই মুখের শব্দ শ্রবণ করে ও

বোঝে। অনুকূলভাবে কান দ্বারা দেখা বা স্বাপ লওয়ার কাজ করা চলে না। নাক দ্বারা শ্রবণ করা বা দেখা কাজও চলে না।

হেদায়েতের দ্বিতীয় স্তর এর তুলনায় অনেকটা সংকীর্ণ। অর্থাৎ, সে সমস্ত বস্তুর সাথে জড়িত, পরিভাষায় যাদেরকে বিবেকবান বৃক্ষসম্পন্ন বলা হয়। অর্থাৎ— মানুষ এবং জিন জাতি। এ হেদায়েত নবী-রসূল ও আসমানী কিতাবের মাধ্যমে প্রত্যেক মানুষের নিকট পৌছেছে। কেউ এ হেদায়েতকে গৃহণ করে মুমিন হয়েছে আবার কেউ একে প্রত্যাখান করে কাফি-বে-দ্বীনে পরিষিত হয়েছে।

হেদায়েতের তৃতীয় স্তর আরো বৈশিষ্ট্যপূর্ণ। তা শুধু মু'মিন ও মুস্তাকী বা ধর্মভিক্তদের জন্য। এ হেদায়েত আল্লাহ্ তা'আলার পক্ষ থেকে কোন প্রকাশ মাধ্যম ব্যৌত্তি মানুষকে প্রাদান করা হয়। এরই নাম তওঁকীক। অর্থাৎ, এমন অবস্থা, পরিবেশ ও মনোভাব সৃষ্টি করে দেয়া যে, তার ফলে কোরআনের হেদায়েতকে গ্রহণ করা এবং এর ওপর আল্লাহ করা সহজসাধ্য হয় এবং এর বিরুদ্ধাচারণ কঠিন হয়ে পড়ে। এ তৃতীয় স্তরের পরিসীমা অতি ব্যাপক। এ স্তরই মানবের উন্নতির ক্ষেত্র। নেক কাজের সাথে এ হেদায়েতের বৃক্ষ হতে থাকে। কোরআনের বিভিন্ন আয়াতে এ বৃক্ষের উল্লেখ রয়েছেঃ

وَالْجِنْنُ جِهَدُوا فِي أَنْهَاكِهِمْ حُسْبَنًا

অর্থাৎ— ‘যারা আমার পথে অগ্রসর হওয়ার চেষ্টা করে, আমি তাদেরকে আমার পথে আরো অধিকতর অগ্রসর হওয়ার পথ অবশ্যই দেবিয়ে থাকি।’ এটি সেই কর্মক্ষেত্র যেখানে নবী-রসূল এবং বড় বড় শুলী-আওলিয়া, কৃতুবগপকেও জীবনের শেষ মুহূর্ত পর্যন্ত আরো অধিকতর হেদায়েত ও তওঁকীকের জন্য চেষ্টা করত থাকতে দেখা গেছে।

হেদায়েতের এ ব্যাখ্যার দ্বারা স্পষ্টভাবে বুঝা গেল যে, হেদায়েত এমন এক বস্তু যা সকলেই লাভ করেছে এবং এর আধিক্য লাভ করার জন্য বড় হতে বড় ব্যক্তির পক্ষেও কোন বাধা-নিষেধ নেই। এজন্যই সুরা আল-ফাতেহায় গুরুত্বপূর্ণ দোয়ারাপে হেদায়েত প্রার্থনা শিক্ষা দেয়া হয়েছে। যা একজন সাধারণ মুমিনের জন্যও উপযোগী, আবার একজন বড় হতে বড় রসূলের জন্যও উপযোগী। এজন্যই হ্যরত রসূলে আকরাম (সা) এর শেষ জীবনে সুরা ফাতাহতে মুক্কাবিজয়ের ফলাফল বর্ণনা করতে গিয়ে একথাও বলা হয়েছে যে,

وَبَعْدَ يَكْرِهُ إِلَيْهِ مُكْتَفِيًّا

অর্থাৎ, মক্কা বিজয় এজন্যই আপনার দ্বারা সম্পন্ন করা হয়েছে, যাতে সিরাতে-মুস্তাকীমের হেদায়েত লাভ হয়।

রসূলাল্লাহ (সা) কেবল নিজেই হেদায়েতপ্রাপ্ত ছিলেন না; বরং অন্যের জন্যও ছিলেন হেদায়েতের উৎস। এমতাবস্থায় তাঁর হেদায়েত লাভের একমাত্র অর্থ হতে পারে, এ সময় হেদায়েতের কোন উচ্চতর অবস্থা তিনি লাভ করেছেন।

হেদায়েতের এ ব্যাখ্যা পরিত্র কোরআন বুবাবার ক্ষেত্রে যে সব ফায়দা প্রদান করবে সংক্ষেপে তা নিম্নরূপঃ

(এক) পরিত্র কোরআনের কোথাও কোথাও মুমিন ও কাফের নির্বিশেষে সবার জন্যই হেদায়েতে শব্দ ব্যবহৃত হয়েছে। আবার কোথাও শুধুমাত্র মুস্তাকীদের জন্য বিশেষ অর্থে হেদায়েতে শব্দ ব্যবহৃত হয়েছে। এতেকরে অজ্ঞ লোকদের পক্ষে সন্দেহে পতিত হওয়ার সম্ভাবনা দেখা দেয় কিন্তু হেদায়েতের সাধারণ ও বিশেষ ত্বরসমূহ জানার পর এ সন্দেহ

আপনা-আপনিতেই দুরীভূত হয়ে যাবে। বুঝতে হবে যে, কারো বেলায় ব্যাপক অর্থে এবং কারো বেলায় বিশেষ অর্থে শব্দটি ব্যবহার করা হয়েছে।

(দুই) আল-কোরআনের বিভিন্ন স্থানে এরশাদ হয়েছে যে, জালেম ও ফাসেকদিগকে আল্লাহ তা'আলা হেদায়েত দান করেন না। অন্যত্র বারবার এরশাদ হয়েছে যে, তিনি সকলকেই হেদায়েত দান করেন। এর উত্তরে হেদায়েতের স্তরসমূহের বর্ণনা প্রসঙ্গে বলে দেয়া হয়েছে যে, হেদায়েতের ব্যাপক অর্থে সকলেই হেদায়েতপ্রাপ্ত এবং বিশেষ অর্থে জালেম ও ফাসেকরা বাদ পড়েছে।

(তিনি) হেদায়েতের তিনটি স্তরের মধ্যে প্রথম ও তৃতীয় স্তর সরাসরি আল্লাহ তা'আলার সঙ্গে সম্পৃক্ত। এ পর্যায়ের হেদায়েত একান্তভাবে একমাত্র তাঁরই কাজ। এতে নবী-রসূলগণেরও কোন অধিকার নেই। নবী-রসূলগণের কাজ শুধু হেদায়েতের দ্বিতীয় স্তরে সীমিত। কোরআনের যেখানে যেখানে নবী-রসূলগণকে হেদায়েতকারী বলে উল্লেখ করা হয়েছে, তা হেদায়েতের দ্বিতীয় স্তরের ভিত্তিতেই বলা হয়েছে। আর যেখানে এরশাদ হয়েছে : **مَنْ أَحْبَبْتُ مَنْ تُرْكِيَّ** [আর্থ: আপনি যাকে চাইবেন তাকেই হেদায়েত করতে পারবেন না — এতে হেদায়েতের তৃতীয় স্তরের কথা বলা হয়েছে। অর্থাৎ, কাউকে তওঁকাক দান করা আপনার কাজ নয়।]

إِهْدِيَ الْعِرَاطَ الْمُسْتَعِيْمُ একটি ব্যাপক ও বিশেষ গুরুত্বপূর্ণ দোয়া, যা মানুষকে শিক্ষা দেয়া হয়েছে। মানবসমাজের কোন ব্যক্তিই এর আওতার বাহিরে নেই। কেননা, সরল-সঠিক পথ ব্যতীত দীন-দুনিয়া কোনটিরই উন্নতি ও সাফল্য সন্তুষ্ট নয়। দুনিয়ার আবর্তন-বিবর্তনের মধ্যেও সিরাতে-মুস্তাকীমের প্রার্থনা পরশ্পাথরের ন্যায়, কিন্তু মুনম তা লক্ষ্য করে না। আয়াতের অর্থ হচ্ছে—‘আমাদিগকে সরল পথ দেখিয়ে দিন।’

সরল পথ কোনটি? ‘সোজা সরল রাস্তা’ সে পথকে বলে, যাতে কোন মোড় বা ঘোরণ্যাঁচ নেই। এর অর্থ হচ্ছে, ধর্মের সে রাস্তা যাতে ‘ইফরাত বা ‘তফরীত এবং অবকাশ নেই। ইফরাতের অর্থ সীমা অতিক্রম করা এবং তফরীত অর্থ মর্জিমত কাট-ছাট করে নেয়া। এরশাদ হয়েছে :

صِرَاطُ الَّذِينَ أَنْعَمْتَ عَلَيْهِمْ অর্থাৎ, যে সকল লোক আপনার অনুগ্রহ লাভ করেছে তাদের রাস্তা। যে সকল ব্যক্তি আল্লাহর অনুগ্রহ লাভ করেছে, তাদের পরিচয় অন্য একটি আয়াতে এভাবে বর্ণনা করা হয়েছে :

**أَلَّذِينَ أَنْعَمْتَ اللَّهُ عَلَيْهِمْ مِنَ الْتَّيْنِ وَالْقَيْلَيْنِ
وَالشَّهَادَةِ وَالْفَطَيْرَيْنِ**

অর্থাৎ— যাদের প্রতি আল্লাহ পাক অনুগ্রহ করেছেন, তাঁরা হচ্ছেন, নবী, সিদ্ধীক, শহীদ এবং সৎকর্মশীল সালেহীন। আল্লাহর দরবারে মকবুল উপরোক্ত লোকদের মধ্যে সর্বোচ্চ স্তর নবীগণের। অতঃপর নবীগণের উপরের মধ্যে যাঁরা সর্বোচ্চ সম্মানের অধিকারী, তাঁরা হলেন সিদ্ধীক। যাদের মধ্যে রহনী কামালিয়াত ও পরিপূর্ণতা রয়েছে, সাধারণ ভাষায় তাঁদেরকে ‘আওলিয়া’ বলা হয়। আর যাঁরা দীনের প্রয়োজনে সীয় জীবন পর্যন্ত উৎসর্গ করেছেন, তাঁদেরকে বলা হয় শহীদ। আর সালেহীন

হচ্ছেন যাঁরা ওয়াজিব-মুস্তাহব প্রভৃতি সর্বক্ষেত্রে শরীয়তের পূরোপুরি অনুসরণ ও আমলকারী। সাধারণ পরিভাষায় এদেরকে দীনদার বলা হয়।

এ আয়াতের প্রথম অংশে ইতিবাচক বাক্য ব্যবহার করে সরল পথের সীমা নির্ধারণ করা হয়েছে। উপরোক্ত চার স্তরের মানুষ যে পথে চলেছেন তাই সরল পথ। পরে শেষ আয়াতে নেতৃত্বাচক বাক্য ব্যবহার করেও এর সমর্থন করা হয়েছে। বলা হয়েছে :

غَيْرُ الْمَغْضُوبٍ عَلَيْهِمْ وَلَا الضَّالِّ

অর্থাৎ, যারা আপনার অভিসম্পত্তিগত তাদের পথ নয় এবং তাদের পথও নয়, যারা পথহারা হয়েছে।

الْمَغْضُوبٍ عَلَيْهِمْ বলতে এই সকল লোককে বুঝানো হয়েছে, যারা ধর্মের ভক্তি-আহকামকে বুঝে-জানে, তবে সীয় অহমীকা ও ব্যক্তিগত স্বার্থের বশবর্তী হয়ে বিরুদ্ধচারণ করেছে। যাঁরা আল্লাহ তা'আলার আদেশ মান্য করতে গোফলতি করেছে। যেমন, সাধারণভাবে ইহুদীদের নিয়ম ছিল, সামান্য স্বার্থের জন্য দীনের নিয়ম-নীতি বিসর্জন দিয়ে তারা নবী-রসূলগণের অবমাননা পর্যন্ত করতে দ্বিধাবোধ করত না। ইহুদীদের নিয়ম ছিল, সামান্য স্বার্থের জন্য দীনের নিয়ম-নীতি বিসর্জন দিয়ে তারা নবী-রসূলগণের অবমাননা পর্যন্ত করতে দ্বিধাবোধ করত না। পালিন—তাদেরকে বলা হয়, যারা না বুঝে অজ্ঞতার দরুণ ধর্মীয় ব্যাপরে ডুল পথের অনুসরী হয়েছে এবং ধর্মের সীমালজ্বন করে অতিরঞ্জনের পথে অগ্রসর হয়েছে। যথা-নাসারাগণ। তারা নবীর শিক্ষাকে অগ্রাধিকার প্রদানের নামে এমনি বাড়াবাঢ়ি করেছে যে, নবীদিগকে আল্লাহর স্থানে উন্নীত করে দিয়েছে। ইহুদীদের বেলায় এটা অন্যায় এজন্য যে, তারা আল্লাহর নবীদের কথা মালেনি; এমনকি তাঁদেরকে হত্যা পর্যন্ত করেছে। অপরদিকে নাসারাগণের বেলায় অতিরঞ্জন হচ্ছে এই যে, তারা নবীদিগকে আল্লাহর পর্যায়ে পৌছিয়ে দিয়েছে।

আয়াতের সারমর্ম হচ্ছে— আমরা সে পথ চাই না, যা নফসানী উদ্দেশের অনুগত হয় এবং মন্দ কাজে উদ্বৃক্ষ করে ও ধর্মের মধ্যে সীমালজ্বনের প্রতি প্ররোচিত করে। সে পথও চাই না, যে পথ অজ্ঞতা ও মূর্খতার দরুণ ধর্মের সীমারেখা অতিক্রম করে এবং এ দু'য়ের মধ্যবর্তী সোজা-সরল পথ চাই যার মধ্যে না অতিরঞ্জন আছে, আর না কম-কছুরী আছে এবং যা নফসানী প্রভাব ও সংশয়ের উৎসে।

সূরা আল-ফাতেহার আয়াত সাতটির তফসীর শেষ হয়েছে। এখন সমগ্র সূরার সারমর্ম হচ্ছে এই দোয়া— ‘হে আল্লাহ! আমাদিগকে সরল পথ দান করুন। কেননা, সরল পথের সকলান লাভ করাই সবচাইতে বড় জ্ঞান ও সর্বাপেক্ষা বড় কামিয়াবী। বস্তুতঃ সরল পথের সকানে ব্যর্থ হয়েই দুনিয়ার বিভিন্ন জাতি ধৰ্মস হয়েছে। অন্যথায় অ-মুসলমানদের মধ্যেও সংস্কৃতির পরিচয় লাভ করা এবং তাঁর সম্মতির পথ অনুসরণ করার আগ্রহ-আকৃতির অভাব নেই। এজন্যই কোরআন পাকে ইতিবাচক এবং নেতৃত্বাচক উভয় পক্ষতিতেই সিরাতে-মুস্তাকীমের পরিচয় তুলে ধরা হয়েছে।

দোয়া করার পক্ষতি : এ সূরায় একটা বিশেষ ধরনের বর্ণনারীতির মাধ্যমে মানুষকে শিক্ষা দেয়া হয়েছে যে, যখন আল্লাহর নিকট কোন দোয়া বা কোন আকৃতি পেশ করতে হয়, তখন প্রথমে তাঁর তা'রীফ কর, তাঁর দোয়া সীমাইন নেয়ামতের স্থীকৃতি দাও। অতঃপর একমাত্র তিনি ছাড়া অন্য কাকেও দাতা ও অভাব পূরণকারী মনে করো না কিংবা অন্য কাকেই এবাদতের যোগ্য বলে স্থীকার করো না। অতঃপর সীয় উদ্দেশের জন্য আরায় পেশ কর। এ নিয়মে যে দোয়া করা হয়, তা কবুল হওয়ার ব্যাপারে বিশেষ আশা করা যায়। দোয়া করতেও এমন ব্যাপক পক্ষতি অবলম্বন

কর, যাতে মানুষের সকল শক্তি সুন্দর অন্তর্ভুক্ত থাকে। যথা, সরল পথ লাভ করা এবং দুনিয়ার যাবতীয় কাজে সরল-সঠিক পথ পাওয়া, যাতে কোথাও কোন ক্ষতি বা পদম্বলনের আশংকা না থাকে। মোটকথা, এখানে আল্লাহর তা'আলার পক্ষ থেকে তাঁর তা'রীফ-প্রশংসন করার প্রক্রিয়া উদ্দেশ্যই হল মানবকুলকে শিক্ষা দেয়া।

আল্লাহর তা'রীফ-প্রশংসন করা মানুষের মৌলিক দায়িত্ব : এ সূরার প্রথম বাক্যে আল্লাহর তা'রীফ বা প্রশংসন শিক্ষা দেয়া হয়েছে। তা'রীফ বা প্রশংসন সাধারণতঃ কোন গুণের বা প্রতিদানের পরিপ্রেক্ষিতে উল্লেখ হয়ে থাকে। কিন্তু এখানে কোন গুণের বা প্রতিদানের উল্লেখ নেই। এতে ইঙ্গিত করা হয়েছে যে, আল্লাহর নেয়ামত অগভিত। কোন মানুষ এর পরিমাপ করতে পারে না। কোরআনে এরশাদ হয়েছে : **أَنْتُمْ**

نَّدِيْلُ وَأَعْصَمْتُ لَكُمْ لَا تَحْصُمُوهَا

অর্থাৎ, যদি তোমরা আল্লাহর নেয়ামতের গুণনা করতে চাও, তবে তা পারবে না। মানুষ যদি সারা বিশ্ব হতে মুখ ফিরিয়ে শুধুমাত্র নিজের অস্তিত্বের প্রতিই দৃষ্টি নিবজ্জ করে, তবে বুঝতে পারবে যে, তার দেহই এমন একটি ক্ষুদ্র জগত যাতে বৃহৎ জগতের সকল নির্দশন বিদ্যমান। তার দেহ যদীন তুল্য। কেশরাজি উচ্চিদ তুল্য। তার হাড়গুলো পাহাড়ের মত এবং শিরা-উপশিরা যাতে বন্ধ চলাচল করে, সেগুলো নদী-নলালা বা সমুদ্রের নমুনা। দু'টি বস্ত্র সংযোগে মানুষের অস্তিত্ব। একটি দেহ ও অপরটি আত্মা। এ কথাও স্বীকৃত যে, মানবদেহে আত্মা সর্বাঙ্গেকা উত্তম অংশ আর তার দেহ হচ্ছে আত্মার অনুগত এবং অপেক্ষাকৃত নিকট মানের অধিকারী। এ নিকট অংশের পরীক্ষা-নিরীক্ষাকারী চিকিৎসকগণ বলেছেন যে, মানবদেহে আল্লাহর তা'আলা পাঁচ হাজার প্রকার উপাদান রয়েছেন। এতে তিনি শতেরও অধিক জোড়া রয়েছে। প্রত্যেকটি জোড়া আল্লাহর কুদরতে এমন সুন্দর ও মজবুতভাবে দেয়া হয়েছে যে, সর্বদা নড়া-চড়া করা সহজেও তার মধ্যে কোন পরিবর্তন হয় না এবং কোন প্রকার মেরামতেরও প্রয়োজন হয় না। সাধারণতঃ মানুষের বয়স ষাট-সত্ত্বর বছর হয়ে থাকে। এ দীর্ঘ সময় তার অঙ্গ-প্রত্যঙ্গগুলো সর্বদা নড়াচড়া করছে, অংশ এর মধ্যে কোন পরিবর্তন দেখা যায় না। আল্লাহর তা'আলা এরশাদ করেছেন—

سَمِعْتُمْ وَشَدَدْتُمْ أَسْرَهُمْ

অর্থাৎ, ‘আমিই মানুষকে সৃষ্টি করেছি এবং আমিই তাদের জোড়াগুলোকে মজবুত করেছি।’ এ কুদরতী মজবুতির পরিণাম হয়েছে এই যে, সাধারণভাবে তা অত্যন্ত নরম ও নড়বড়ে অংশ এ নড়বড়ে জোড়া সম্মুখ বছর বা এর চাইতে অধিক সময় পর্যন্ত কর্মরত থাকে। মানুষের অঙ্গগুলোর মধ্যে শুধু ক্ষুদ্র কথাই জিঞ্চ করলে দেখা যাবে, এতে আল্লাহর তা'আলার অসাধারণ হেকমত প্রকাশিত হয়েছে। সারা জীবন সাধনা করেও এ রহস্যটুকু উদ্ধৱ করা সম্ভব নয়।

এ চোখের এক পলকের কার্যক্রম লক্ষ্য করলে বুঝতে পারা যাবে যে, এর এক মিনিটের কার্যক্রমে আল্লাহর তা'আলার কত নেয়ামত যে কাজ করছে, তা ভেবে অবাক হতে হয়। কেননা চক্ষু খুলে এ দ্বারা কত বস্তুকে সে দেখেছে। এতে যেভাবে চক্ষুর ভেতরের শক্তি কাজ করছে, অনুরূপভাবে বহির্জগতের স্থিতিবিজ্ঞ এবং বিশেষ অংশ নিছে। সূর্যের ক্রিয়ন না থাকলে চোখের দৃষ্টিশক্তি কোন কাজ করতে পারে না। সূর্যের জন্য আকাশের প্রয়োজন হয়। মানুষের দেখার জন্য এবং চক্ষু দ্বারা কাজ করার জন্য আহাৰ ও বায়ুর প্রয়োজন হয়। এতে বুঝা যায়, চোখের এক

পলকের দৃষ্টির জন্য বিশের সকল শক্তি ব্যবহৃত হয়। এ তো একবারের দৃষ্টি এখন দিনে কতবার দেখে এবং জীবনে কতবার দেখে তা হিসাব করা মানুষের শক্তির উর্ধ্বে। এমনিভাবে কান, জিহ্বা, হাত ও পায়ের যত কাজ এতে সময় জগতের শক্তি যুক্ত হয়ে কার্য সমাপ্ত হয়। এ তো সে মহা দান যা প্রতিটি জীবিত মানুষ ভোগ করে। এতে রাজা-প্রজা, ধনী-দরিদ্রের কোন পার্থক্য নেই। তাছাড়া আল্লাহর তা'আলার অসংখ্য নেয়ামত এমন ব্যাপকভাবে ছাড়িয়ে রয়েছে যা প্রতিটি প্রাণী ভোগ করেও উপকৃত হয়। আকাশ-জমিন এবং এ দু'টির মধ্যে সৃষ্টি সকল বস্তু চক্ষু-সূর্য, গ্রহ-নক্ষত্র, বায়ু প্রভৃতি প্রতিটি প্রাণীই উপভোগ করে।

এরপর আল্লাহর বিশেষ দান যা মানুষকে হেকমতের তাকিদে কম-বেশী দেয়া হয়েছে, ধন-সম্পদ, ধান-সম্মান, আরাম-আয়েশ সবই এর অন্তর্ভুক্ত। যদিও একথা অত্যন্ত মৌলিক যে, সাধারণ নেয়ামত যা সকল স্তরের মানুষের মধ্যে সমভাবে উপভোগ্য; যথা — আকাশ, বাতাস, জমিন এবং বিরাট এ প্রকৃতি, এ সমস্ত নেয়ামত বিশেষ নেয়ামতের (যথা ধন-সম্পদ) তুলনায় অধিক শুরুতপূর্ণ ও উত্তম। অর্থ এসব নেয়ামত সকল মানুষের মধ্যে সমভাবে পরিব্যাপ্ত বলে, এত বড় নেয়ামতের প্রতি মানুষ দৃষ্টিপাত করে না। ভাবে, কি নেয়ামত! বরং আশপাশের সামাজিক বস্তু যথা, আহাৰ, পানীয়, বসবাসের নির্ধারিত স্থান, বাড়ী-ঘর প্রভৃতির প্রতিটি তাদের দৃষ্টি সাধারণতঃ সীমাবদ্ধ থাকে।

মোটকথা, সৃষ্টিকর্তা মানবজাতির জীবন-ধারণ এবং দুনিয়ার জীবনে বেঁচে থাকার সুবিধার্থে যে অন্দুরস্ত নেয়ামত দান করেছেন, তার অতি অস্তুই এ প্রসঙ্গে বর্ণিত হয়েছে। সেই পরিপ্রেক্ষিতে মানুষের পক্ষে দুনিয়ার জীবনে চোখ মেলেই মুখ থেকে স্বতঃস্ফূর্তভাবে সেই মহান দাতার প্রশংসনের পঞ্চমুখ থাকা ছিল স্বাতাবিক। বলাবাত্ত্ব যে, মানবজীবনের সে চাহিদার প্রেক্ষিতে কোরআনের সর্ব প্রথম সূরার সর্বপ্রথম বাক্যে **إِنَّ** ব্যবহার করা হয়েছে এবং সেই মহান স্তরের তা'রীফ ও প্রশংসনকে এবাদতের শীর্ষস্থানে রাখা হয়েছে।

রসূল (সা:) এরশাদ করেছেন যে, আল্লাহর তা'আলা তাঁর কোন নেয়ামত কোন বাস্তুকে দান করার পর যখন সে **إِنَّ** বলে, তখন বুঝতে হবে, যা সে পেয়েছে, এ শব্দ তা অপেক্ষা অনেক উত্তম।

অন্য এক হাদীসে বলা হয়েছে যে, কোন ব্যক্তি যদি বিশ্ব-চৰাচাৰের সকল নেয়ামত লাভ করে এবং সেজন্য সে ‘আলহামদুলিল্লাহ্’ বলে, তবে বুঝতে হবে যে, সারা বিশেষ নেয়ামতসমূহ অপেক্ষা তার **إِنَّ** বলা অপেক্ষা অতি উত্তম।— (কুরআনী)

কোন কোন আলেমের মন্তব্য উদ্ভৃত করে কুরআনী লিখেছেন যে, মুখে **إِنَّ** বলা একটি নেয়ামত এবং এ নেয়ামত সারা বিশেষ সকল নেয়ামত অপেক্ষা উত্তম। সহীহ হাদীসে আছে যে, **إِنَّ** পরকালের তোলদণ্ডের অর্থেক পরিপূর্ণ করবে।

হযরত শফীক ইবনে ইয়াহাইম **إِنَّ**—এর ফয়লত বর্ণনা প্রসঙ্গে বলেছেন যে, যখন আল্লাহর তা'আলা তোমাদিগকে কোন নেয়ামত দান করেন, তখন প্রথমে দাতাকে জানো এবং পরে তিনি যা দান করেছেন তাতে সন্তুষ্ট থাক। আর তাঁর দেয়া শক্তি ও ক্ষমতা তোমাদের দেহে যতক্ষণ থাকে, ততক্ষণ পর্যন্ত তাঁর অবাধ্যতার নিকটেও যেও না।

দ্বিতীয় শব্দ اللّٰه -এর সাথে ম'ল্ল বর্ণটি যুক্ত। যাকে আরবী ভাষার নিয়ম অনুযায়ী খাস ম'ল্ল বলা হয়। যা কেন আদেশ বা গুপ্তের বিশেষত্ব বুঝায়। এখানে অর্থ হচ্ছে যে, শুধু তারীফ- প্রশংসনাই মানবের কর্তব্য। বরং এ তারীফ- প্রশংসনা তাঁর অস্তিত্বের সাথে সংযুক্ত। বাস্তব পক্ষে তিনি ব্যতীত এ জগতে অন্য কেউ তারীফ-প্রশংসনা পাওয়ার যোগ্য নয়। এর বিস্তারিত বর্ণনা পূর্বে করা হয়েছে। এতদস্মেষে এও তাঁর নেয়ামত যে, মানুষকে চরিত্র গঠন শিক্ষাদানের জন্য এ আদেশ দেয়া হয়েছে যে, আমার নেয়ামতসমূহ যে সকল মাধ্যম অভিক্রম করে আসে, সেগুলোরও শুকরিয়া আদায় করতে হবে। আর যে ব্যক্তি এহসানকারীর শুকরিয়া আদায় করে না সে বাস্তবপক্ষে আল্লাহ'তা' আলারও শুকরিয়া করে না।

سُبْحَانَ رَبِّكَ تَعَالَى وَإِلَيْكَ تُسْتَغْفِرُونَ

শিরোমণি হয়রত আবদুল্লাহ ইবনে আব্দুস (রাঃ) বলেছেন, আমরা তোমারই এবাদত করি, তুমি ব্যতীত অন্য কারো এবাদত করি না। আর তোমারই সাহায্য চাই, তুমি ব্যতীত অন্য কারো সাহায্য চাই না।— (ইবনে জরীর, ইবনে আবি হাতেম)

সলফে-সালেহীনদের কেউ কেউ বলেছেন যে, সূরা আল-ফাতেহা কোরআনের সারমর্ম এবং سُبْحَانَ رَبِّكَ تَعَالَى وَإِلَيْكَ تُسْتَغْفِرُونَ সূরা আল-ফাতেহার সারমর্ম। কেননা, এর প্রথম বাক্যে রয়েছে শিরক থেকে মুক্তির ঘোষণা এবং দ্বিতীয় বাক্যে তাঁর পরিপূর্ণ শক্তি ও কুরুতের শীক্ষণি। মানুষ দুর্বল, আল্লাহর সাহায্য ব্যতীত কেন কিছুই সে করতে পারে না। তাই সকল ব্যাপারে আল্লাহর উপর একান্তভাবে নির্ভর করা ব্যতীত তাঁর গত্যন্তর নেই। এ উপরে কোরআনের বিভিন্ন স্থানে দেয়া হয়েছে।

(এক) আল্লাহ ব্যতীত অন্য কারো এবাদত জ্ঞানের নয় : ইতিপূর্বে এবাদতের পরিচয় দেয়া হয়েছে। বলা হয়েছে যে, কেন সত্ত্বার অসীমতা, মহুর এবং তাঁর প্রতি ভালবাসার ভিত্তিতে, তাঁর সামনে অশেষ কান্তি-মিনতি পেশ করার নামহ এবাদত। আল্লাহ ব্যতীত অন্য কারো সাথে অনুরূপ আচরণ করাই শিরক। এতে বুা যাচ্ছে যে, মূর্তিপূজার মত প্রতীকপূজা বা পাখরের মূর্তিকে খোদায়ী শক্তির আধার মনে করা বা কারো প্রতি সম্মত বা ভালবাসা এ পর্যায়ে পৌছে দেয়া, যা আল্লাহর জন্য করা হয়, তাও শিরকের অন্তর্ভুক্ত।

কেন বস্তুকে হালাল বা হারাম ঘোষণা করা একমাত্র আল্লাহরই কাজ। যে ব্যক্তি এ কাজে অন্যকে অঙ্গীদার করে, হালাল ও হারাম জানা থাকা সঙ্গেও আল্লাহ ব্যতীত অন্য কারো কথাকে অবশ্য করণীয় মনে করে, তবে প্রকারান্তরে সে তাঁর এবাদতই করে এবং শিরকে পতিত হয়। সাধারণ মূল্যান্য যারা কোরআন-হাদীস সরাসরি বুঝতে পারে না, শরীয়তের হকুম-আহকাম নির্ধারণের যোগ্যতাও রাখে না; এ জন্য কেন ইয়াম, মুজতাহিদ, আলেম বা মুফতীর কথার উপর বিশ্বাস রেখে কাজ করে; তাদের সাথে এ আয়াতের মর্মের কোন সম্পর্ক নেই। কেননা, প্রকৃত পক্ষে তাঁরা কোরআন ও সুন্নাহ মোতাবেক আমল করে; আল্লাহর নিয়ম-বিধানেরই অনুকরণ করে। আলেমগণের নিকট থেকে তাঁরা

আল্লাহর কিভাব ও রস্তের সুন্নাহর ব্যাখ্যা গ্রহণ করে থাক। কোরআনই তাদেরকে নির্দেশ দিয়েছেঃ

كَذَّابٌ أَهْلُ الْكُوْرَبِ لَنْ يُمْلِأُ سَلَامُونَ

অর্থাৎ, ‘যদি আল্লাহর আদেশ তোমাদের জানা না থাকে, তবে আলেমদের নিকট জেনে নাও।’

হালাল-হারাম নির্ধারণের ব্যাপারে আল্লাহ ব্যতীত অন্য যে কাউকেই অঙ্গীদার করা শিরক। অনুরূপভাবে আল্লাহ ব্যতীত অন্য কারো নামে মান্তব করাও শিরক। প্রয়োজন যিটানো বা বিপদ মুক্তির জন্য আল্লাহ ব্যতীত অন্য কারো নিকট দোয়া করাও শিরক। কেননা, হাদীসে দোয়াকে এবাদতরাপে গণ্য করা হয়েছে। কাজেই যেসব কার্যকলাপে শিরকের নির্দর্শন রয়েছে, সেসব কাজ করাও শিরকের অন্তর্ভুক্ত। হয়রত আদী ইবনে হাতেম বলেন,— ইসলাম কবুল করার পর আমি আমার গলায় ক্রস পরিহিত অবস্থায় রসূল (সাঃ)-এর দরবারে উপস্থিত হয়েছিলাম। এটা দেখে ভয় আদেশ করলেন, এ মুর্তিটা গলা থেকে ফেলে দাও। আদী ইবনে হাতেম যদিও ক্রস সম্পর্কে তখন নাসারাদের ধারণা পোষণ করতেন না, এতদস্মেষে প্রকাশ্যভাবে শিরকের নির্দর্শন থেকে বেঁচে থাকা অত্যাবশ্যকীয় বলে রসূল (সাঃ) তাঁকে এ নির্দেশ দিয়েছিলেন।

এমনিভাবে কারো প্রতি রক্ত বা সেজদা করা, বাইতুল্লাহ ব্যতীত অন্য কেন কিছুর তওয়াফ করা শিরকের অন্তর্ভুক্ত। এসব থেকে বেঁচে থাকার শীক্ষারোগ্যি এবং আনুগত্যের অঙ্গীকারই بَعْلَبُوكَ تَعَالَى তে করা হয়েছে।

কারো সাহায্য চাওয়ার বিষয়টি কিছুটা বিশ্বারিত আলোচনা সাপেক্ষ। কেননা, বৈষয়িক সাহায্য তো একজন অপরজনের কাছ থেকে সব সময়ই নিয়ে থাকে। এ ছাড়া দুনিয়ার কাজ-কারবার চলতেই পারে না। যথা— প্রস্তুকারক, দিন-মজুর, নির্মাতা, কর্মকার, কুস্তকার প্রভৃতি সকল শ্রেণীর কারিগরই অন্যের সাহায্যে নিয়োজিত, অন্যের খেদমতে সর্বদা ব্যস্ত এবং প্রত্যেকেই তাদের সাহায্যপ্রার্থী ও সাহায্য গ্রহণে ব্যাধি। এরূপ সাহায্য নেয়া কেন কেন ধর্মমতে বা কেন শরীয়তেই নিষেধ নয়। কারণ, এ সাহায্যের সাথে আল্লাহ'তা' আলার নিকট প্রার্থিত সাহায্য কোন অবস্থাতেই সম্পূর্ণ নয়। অনুরূপভাবে কেন নবী বা ওলীর বরাত দিয়েও আল্লাহ'তা' আলার সাহায্য প্রার্থনা করা কোরআনের নির্দেশ ও হাদীসের বর্ণনায় বৈধ প্রমাণিত হয়েছে। এরূপ সাহায্য প্রার্থনাও আল্লাহর সম্পর্ক্যুক্ত সাহায্য প্রার্থনার অন্তর্ভুক্ত নয়, যা কোরআন ও হাদীসে শিরকের অন্তর্ভুক্ত করা হয়েছে।

আল্লাহর নিকট বিশেষভাবে প্রার্থিত সাহায্য দু'প্রকার। এক— আল্লাহ ব্যতীত কেন ফেরেশতা, কেন নবী, কেন ওলী বা কেন মানুষকে একক ক্ষমতাশালী বা একক ইচ্ছাশক্তির অধিকারী মনে করে তাদের নিকট কিছু চাওয়া, — এটি প্রকাশ্য কুফরী। একে কাফের-মুশরিকরাও কুফরী বলে মনে করে। তাঁরা নিজেদের দেবীদেরকেও আল্লাহর ন্যায় সর্বশক্তিমান একক ইচ্ছাশক্তির অধিকারী মনে করে না।

দুই— সাহায্য প্রার্থনার যে পক্ষ কাফেরগণ গ্রহণ করে থাকে, কোরআন তাকে বাতিল ও শিরক বলে ঘোষণা করেছে। তা হচ্ছে কেন ফেরেশতা, নবী, ওলী বা দেবদেবী সম্পর্কে এমন ধারণা পোষণ করা যে,

প্রকৃত শক্তি ও ইচ্ছার মালিক তো আল্লাহ্ তা'আলাই, তবে তিনি তাঁর কূরতে সে ক্ষমতা ও ইচ্ছাশক্তির কিছু অংশ অমুককে দিয়েছেন এবং এ ব্যাপারে তাকে ক্ষমতা দান করেছেন এবং সে ক্ষমতা প্রয়োগের ব্যাপারে সংশ্লিষ্ট ব্যক্তি সম্পূর্ণ স্বাধীন। কোরআনের **سُبْعَةٌ** দ্বারা বুঝানো হয়েছে যে, এরপ সাহায্য আমরা আল্লাহ্ তা'আলা ব্যতীত অন্য কারো নিকট চাইতে পারি না।

সাহায্য-সহতায়তা সম্পর্কিত এ ধারণা মূল্যন ও কাফের এবং ইসলাম ও কুরীয়ার মধ্যে পার্থক্য নির্ণয় করে। কোরআন একে হারাম ও শিরক ঘোষণা করেছে এবং কাফেরগণ একে সমর্থন করে এ অনুযায়ী আমল করছে। এ ব্যাপারে যেখানে সংশয়ের উৎসব হয় তা হচ্ছে এই যে, আল্লাহ্ তাঁর কোন কোন ফেরেশতার উপর পার্থিব ব্যবস্থা পরিচালনার অনেক দায়িত্ব অর্পণ করেছেন বলে বর্ণনা রয়েছে। এরপ ধারণা সৃষ্টি হওয়া বিচিত্র নয় যে, ফেরেশতাগণকে স্ব-স্ব দায়িত্ব পালনে আল্লাহ্ নিজেই তো ক্ষমতা দিয়েছেন, তদনুরূপ নবীগণকেও এমন কিছু কাজ করার ক্ষমতা দিয়েছেন যা অন্য মানুষের ক্ষমতার উর্ধ্বে; যথা, মু'জেয়া। অনুরূপ আওলিয়াগণকেও এমন কিছু কাজের ক্ষমতা দেয়া হয়েছে, যা সাধারণ মানুষ করতে পারে না। যেমন, কারামত। সুতরাং স্বল্পবুর্কিস্পন্দন ব্যক্তির পক্ষে এরপ ধারণায় পতিত হওয়া বিচিত্র নয় যে, আল্লাহ্ তা'আলা স্বীয় ক্ষমতার কিয়দংশ যদি তাদের মধ্যে না-ই দিতেন, তবে তাঁদের দ্বারা এমন সব কাজ কি করে হয়ে থাকে? এতে নবী ও উলীগণের প্রতি কর্মে স্বাধীন হওয়ার বিশ্বাস জন্মে। কিন্তু বাস্তবে তা নয়। বরং মু'জেয়া এবং কারামত একমাত্র আল্লাহ্-রই কাজ। এর প্রকাশ নবী ও উলীগণের মাধ্যমে করে থাকেন শুধু তাঁর হেকমত ও রহস্য বুঝাবার জন্য। নবী ও উলীগণের পক্ষে সরাসরি এসব কাজ করার ক্ষমতা নেই। এ সম্পর্কে অসংখ্য আয়াত রয়েছে। যথা,— এরশাদ হয়েছে:

وَمَارِيَتْ رَدْرَيْتْ وَلَكَنَ اللَّهُ رَبِّي

বদরের যুক্ত রসূল (সা:) শক্রসন্যদের প্রতি একমুঠি কক্ষ নিষ্কেপ করেছিলেন এবং সে কক্ষের সকল শক্র, শক্রসন্যের ঢাঁধে গিয়ে পড়েছিল। সে মু'জেয়া সম্পর্কে এ আয়াতে বলা হয়েছে যে, ‘হে মুহাম্মদ (সা:)! এ কক্ষের আপনি নিষ্কেপ করেননি, বরং আল্লাহ্ তা'আলাই নিষ্কেপ করেছেন।’ এতে বুঝা যায় যে, নবীগণের মাধ্যমে মু'জেয়ারাপে যেসব অস্বাভাবিক কাজ বাস্তবায়িত হয়েছে, প্রকৃতপক্ষে সেগুলো ছিল আল্লাহ্-রই কাজ। অনুরূপ, হযরত নুহ (আঃ)-কে তাঁর জাতি বলেছিল যে, আপনি যদি সত্য নবী হয়ে থাকেন, তবে যে শাস্তি সম্পর্কে আমাদিগকে ভীতি প্রদর্শন করছেন, তা এনে দেখান। তখন তিনি বলেছিলেন : **إِنَّمَا يُمْلِئُ مُلْكَ الْأَرْضِ** মু'জেয়ারাপে আসমানী বালা নিয়ে আসা আমার ক্ষমতার উর্ধ্বে। যদি আল্লাহ্ ইচ্ছা করেন, তবে আসবে। তখন তোমরা তা থেকে পালাতে পারবে না।

সূরা ইবরাহীমে নবী ও রসূলগণের এক দলের কথা উল্লেখিত হয়েছে।

তাঁরা বলেছেনঃ

وَكَانَ لَهُمْ نَذْرٌ مُّلْطَبٌ لَا يَأْذِنُ اللَّهُ

অর্থাৎ, ‘কোন মুজ্জেছা দেখানো আমাদের ইচ্ছার উপর নির্ভর করে না। আল্লাহ্-র ইচ্ছা ব্যতীত কিছুই হতে পারে না।’ তাই কোন নবী বা উলী কোন মু'জেয়া বা কারামত যখন ইচ্ছা বা যা ইচ্ছা দেখাবেন, এরপ ক্ষমতা কাউকেই দেয়া হয়নি।

রসূল ও অন্যান্য নবিগণকে মুশরিকরা করত রকমের মু'জেয়া দেখাতে বলেছে, কিন্তু যেগুলোতে আল্লাহ্-র ইচ্ছা হয়েছে সেগুলোই প্রকল্প পেয়েছে। আর যেগুলোতে আল্লাহ্-র ইচ্ছা হয়নি, সেগুলো প্রকাশ পায়নি। কোরআনের সর্বত্র এ সম্পর্কিত তথ্য বিদ্যমান।

তাই এ বিশ্বাস রাখতে হবে যে, সব কিছুই একমাত্র আল্লাহ্ তা'আলার ইচ্ছাতেই হয়ে থাকে এবং এতদসঙ্গে নবী-রসূল ও উলী-আওলিয়াগণের গুরুত্বের বিশেষভাবে স্বীকৃতি প্রদান করতে হবে। এ বিশ্বাস এবং স্বীকৃতি ব্যতীত আল্লাহ্-র সন্তুষ্টি এবং তাঁর বিধানের অনুসরণ থেকে বক্ষিত হতে হবে। যেভাবে কোন ব্যক্তি বাল্ব ও পাখার গুরুত্ব অনুধাবন না করে একে নষ্ট করে দিয়ে আলো-বাতাস পাওয়ার আশা করতে পারে না, তেমনি নবী-রসূল ও উলী-আওলিয়াগণের গুরুত্ব ও বৈশিষ্ট্যের স্বীকৃতি ব্যতীত আল্লাহ্-র সন্তুষ্টি আশা করা যায় না।

সাহায্য প্রার্থনা ও ওসীলা তালাশ করা এবং তা গ্রহণ করার প্রশ্নে নানা প্রকার প্রশ্ন ও সম্পর্কের উৎপত্তি হতে দেখা যায়। আশা করা যায় যে, উপরোক্ত আলোচনা দ্বারা সে সংশয় ও সন্দেহের নিরসন হবে।

সিরাতে-মুস্তাকীমের হেদায়েতেই দীন-দুনিয়ার সাফল্যের চাবিকাঠি : আলোচ্য তফসীরে বিস্তারিতভাবে আলোচনা করা হয়েছে, আল্লাহ্ তা'আলা যে দোয়াকে সর্বক্ষণ সকল লোকের সকল কাজের জন্য নির্ধারিত করেছেন তা হচ্ছে সিরাতুল-মুস্তাকীমের হেদায়েতপথাতির দোয়া। এমনভাবে আর্থেরাতের মুক্তি যেমন সে সরল পথে রয়েছে যা মানুষকে জন্মাতে নিয়ে যাবে, অনুরূপভাবে দুনিয়ার যাবতীয় কাজের উন্নতি-অগ্রগতিও সিরাতুল-মুস্তাকীম বা সরল পথের মধ্যেই নিহিত। যে সমস্ত পথ অবলম্বন করলে উদ্দেশ্য সকল হয়, তাতে পূর্ণ সকলতাও অনিবার্যভাবেই হয়ে থাকে।

যে সব কাজে মানুষ সকলতা লাভ করতে পারে না, তাতে গভীরভাবে চিন্তা করলে বুঝা যায় যে, সে কাজের ব্যবস্থাপনা ও পক্ষতিতে নিচ্ছয়েই কোন ভুল হয়েছে।

সারকথা, সরল পথের হেদায়েত কেবল পরকাল বা দীনী জীবনের সাফল্যের জন্যই নির্দিষ্ট নয়, বরং দুনিয়ার সকল কাজের সকলতাও এরই উপর নির্ভরশীল। এজন্যই প্রত্যেক মুমিনের এ দোয়া তসবীহস্বরূপ সর্বদা স্মরণ রাখা কর্তব্য। তবে ঘনোষণ সহকারে সুরণ রাখতে ও দোয়া করতে হকে, শুধু শব্দের উচ্চারণ মধ্যেই নয়।

সূরা আল ফাতেহা সমাপ্ত